

嘉靖九江府志

六

九江府志卷之十五

詩文志

志以紀事詩文弗與也然有事不可考因詩文而見之者則詩文亦所以紀事矣吾潯舊志詩文散出無統紀今以其切於事者分註於所事之下取其考究一事便見一事終始至於不能盡載者則復贅於末卷亦存舊拾遺意云

詩

九江府志卷之十五

一

德化縣

廬山

李白 唐學士

康廬爲巨鎮風浪裏盤根平地安然者饒他五嶽尊

又

權載之 唐人

九派潯陽郡分明似畫圖秋光連瀑布積翠辨香爐

又

蘇軾 宋學士

自昔懷清賞神遊杳靄間如今不是夢真箇是廬山

又

讀書廬山中作郡廬山下平湖浸山脚雲峯對虛榭
紅葉紛欲落白鳥時來下猶思隱居勝亂石驚湍瀉

又

張鳴善
元人

曾到廬山境巉峯際碧空萬松無路入一水與天通
白鹿眠晴晝青猿嘯晚風洪崖如可約吾亦訪雲中

又

胡虛白
國朝寧府教授

我昔夢五老翱翔綠雲中濯足銀漢水上與天門通
仙人坐中峯手持王芙蓉邀我吹鸞笙相期入空濛

九江府志卷之十五

二

青猿啼夜月夢回迥寥絕遙遙紫霞想忽若千年別
昔向夢中見今從堂上看林巒如夙契煙翠生高寒
天風颯然來頗覺衣裳單恍如陶弘景置我長松間
此景何時遊我夢難再續悵望九疊屏白雲滿空谷
又

我有紫霞想夢入匡廬峯仙人凌絕頂手掉金芙蓉
芙蓉亭亭九天上疊嶂騰騰湧波浪五色雲中白鹿
鳴三更海底金鷄唱懸崖瀑布從天來匹練倒界青

天開高人似是陸修靜邀我石磴行莓苔九江秀色
可攬結欲跨長鯨捉明月望斷蓬萊青鳥書琪花落
盡無人折飛身上挹香爐煙坐我萬疊屏風前翻然
手招五老坐一笑彷彿三千年松風泠泠吹夢覺鶴
背高寒露花落早知此景隔塵凡只今棲身向丘壑
何人寫此江上山雲山與我心俱閑明當會碾飈輪
去長謝時人竟不還

又

胡廣
大學士

九江府志卷之十五

三

廬阜高寒插劒鋌晚晴遙望入蒼蒼千尋華盖從天
下九疊屏風帶雪張影落半湖青黛小秀分南紀白
雲長他年五老能招隱便結松巢跨石梁

又

楊溥
大學士

少年曾泛九江船江上廬山在眼前一片陰雲浮絕
頂千尋瀑布掛長川東吳渺渺晴虹外西蜀迢迢落
日邊披翫斯圖想疇昔獨憐遊宦雪盈巔

又

解縉
學士

扁舟過彭蠡遠遠見匡山巨石危將墮陰雲去復還
平鋪三百里高出九霄間久在風塵際覽觀心自閑

又

吳誠 都御史

虎溪人去遠溪水自泠泠我欲看何物廬山萬仞青

又

李時勉 祭酒

匡廬高起鬱嶙峋翠擁連峰倚斷雲天闊秋陰千里
合風清林籟半空聞松巖過雨泉聲出仙掌飛霞樹
色分終古名山留勝槩幾回臨眺到斜曛

九江府志卷之十五

四

又

夏寅 提學副使

夙慕廬山勝今朝偶一登峰能留客住瀑似愛人聽
古跡多湮沒禪房幾廢興短吟難盡述聊以寄吾曾

又

黃翰 江西僉事

松風瑟瑟馬頻嘶偶得乘閑到虎溪空谷斷崖無鹿
過落花芳草有鶯啼飛流帶雨澗泉急絕頂盤空雲
路低俱是洒然幽絕景不知何處合留題

又

藍智 廣西僉事

峩峩匡廬山渺渺江湖區下蘊龍虎氣上通仙靈都
微雲出巨壑飛雨徧海隅崖瀑瀉銀河隨風散明珠
五老何翩翩蒼然古眉鬚徘徊芝山翁彷彿桃源徒
芙蓉落日淨白鶴秋風孤靈境不可即維舟增鬱紆

又

何年李謫仙讀書石林下雲巢護青松秋色正瀟灑
時登五老峰獨酌壺中春舉杯問淵明誰是羲皇人
鸞鳳望赤霄蛟龍卧空谷蒼崖嗽飛泉欬唾成珠玉

九江府志卷之十五

五

顛倒雲錦袍酣歌漫揮毫文光一萬丈更比廬山高
一落五湖上秋風怨華髮千古不歸來長庚夜如月

又

黃仲昭 提學僉事

欲訪匡廬久未能寰區空見白雲層輶車偶過山間
路旅宿還依林下僧忽忽百年驚白髮寥寥四壁只
青燈投閑便合窮幽勝浮世功名豈足憑

五老峯

李白

廬山東南五老峯青天削出金芙蓉九江秀色可攬

結吾將此地巢雲松

雙劍峯

朱熹

山神呵護寶雲遮儼若騰空兩鏡鄣光彩飛名鎮千古望中肝膽落奸邪

雙劍峯高削玉成芒寒色淬曉霜清腦脂壓眼人高卧誰斬天驕致太平

大林峯

謝靈運
晉人

積峽忽有起平途俄已絕巒隴有合沓往來無蹤轍

九江府志卷之十五

六

佛手岩

周廣
都御史

探幽上僊臺一覽衆山小莊誦

聖祖文苔蘚剥未了突兀佛掌出低壓僧伽帽舉瓢酌石髓煙霞何縹緲偶結山中緣與君弄瑤草

又

程啓充
御史

有拳不能握龍象力非小流幻付指掌空覺何人了
回向不二心山風吹落帽苦海愁茫茫慈航何渺渺
君看泡影中明滅如腐草

又

謝迪

兵備副使

踏遍五老峯更欲探竒跡飛巖若張蓋中有泉一滴
取酌洗塵心翛然獲賞適雲窩足我棲天竅憑誰關
携筇入雲層陡覺仙凡隔松巔白鶴雙凌風振高翮
愜我平生懷茲遊豈無益

潯陽江

白居易

唐人

潯陽欲到思無窮庾亮樓高溢浦東樹木凋踈山雨
後人家低濕水煙中菰蒲餒馬行無力蘆荻編房卧

九江府志卷之十五

七

有風遙見朱輪來出郭相迎勞動使君公

又

林景熙

元人

三弄知何處蒼茫起釣舟閑將千古意吹入九江秋
驚鴈顧殘侶寒風生別洲曲終和月卧無夢到涼州

又

藍智

今日泊船九江口昨日泊船彭浪磯木葉風高雁初
落荻花水生魚正肥荒城隔浦晴吹角明月誰家夜
搗衣遙望故園秋色好青山有意待人歸

桑落洲

范德機
元人

桑落洲前秋興孤白雲遠見近還無傳聞酒吏經年
罷美釀家家得縱沽

濂溪

蘇東坡

世俗眩名實至人疑有無怒移水中蟹愛及屋上烏
坐令此溪水名與先生俱先生本全德廉退乃一隅
因拋彭澤米偶似西山夫遂即世所知以爲溪之呼
先生豈我輩造物乃其徒應同柳州柳聊似愚溪愚

九江府志卷之十五

八

天池寺

存初公
唐人

漢王峯上擁樓臺萬綠陰中石鏡開明月和僧窗外
立天風吹鶴日邊來一匡翠岫煙霞好九疊雲屏海
嶽魁爽氣蕩空塵世少仙人爲我洗茶椀

又

姚昶
江西參議

愛此天池景延還欲未行誰知千仞上獨見一泓清
終古涵天碧通霄映月明許吾分一滴爲雨活蒼生

又

龔璫
廣西按察使

十里松陰散馬蹄好風吹我上招提身依日月九天
近步入雲霄萬象低當道豺狼應斂跡隔林猿鶴自
幽棲老僧慣識朝端客笑裏相隨過虎溪

又

林俊 都御史

白老真天人胸中壑與丘醉揮鐵如意擊碎白玉樓
祝融黃鶴不入眼挿羽飛上廬峯遊九竒五老置兩
傍紫霄華盖遙開張挿天雙劔騰晶光瀑布直瀉千
丈長晴空駕海秋爲梁丹崖錦嶂分相望蓮花燦爍

九江府志卷之十五

九

石耳蒼朝嵐暮靄送日月寺落松子如松長我欲濯
髮天池間御以赤虬時還往鐵船乘月載美酒一日
看盡江南山突兀四僊亭香爐紫煙發百年幾日胡
不遊舜蹠彭殤共澌沒栢臺驄馬無宦情綠荷小製
衣初成薜荔墻欹茅屋古一時情懇陳上京鼓枻木
蘭弄烟水長歌一曲滄浪清

又二絕

僊人拉我上方住指點天燈往來處倚秋高閣看新

晴白雲山麓如鋪絮

中天積翠千萬峰
上山出日下山雨
不信神仙事有
無我欲振袂空中舉

又

王守仁
都御史

東林日暮更登山
峰頂高僧有蘭若
蘿雲磴道石參
差水聲澗底樹
高下遠公學佛却
援儒淵明嗜酒不
入社我亦愛山仍
戀官同是乾坤避
人者我歌白雲
聽者寡山自點頭
泉自瀉月明壑底
忽驚雷夜半天

九江府志卷之十五

十

風吹屋瓦

又四絕

昨夜月明峰頂宿
隱隱雷聲在山麓
曉來却問山下
人風雨三更捲茅屋

野人權作青山主
風凜朝昏隨意取
巖傍日却半溪
雲山下雷聲一村雨

老夫高卧文殊臺
拄杖夜撞青天開
撒落星辰滿平
野山僧盡道佛燈來

天池之水近無主木魅山妖競偷取公然又盜巖頭
雲却去人間作風雨

又

周廣 都御史

興入層霄日已曛竹堂清讌語偏温豪吟喜博山中
茗勝會愁看石上雲可咽仙霞輕繚繞堪持瑶草細
繽紛此生若了塵緣分擬續匡君舊錄文

又

徐璉 江西左叅政

山徑通雲外珠林入畫中石池晴浸月竹塢晚吟風

九江府志卷之十五

十一

留帶歸蘇子談經憶遠公躋巖見佛手神異勝崆峒

又

憑闌窺澗壑倚寺躡山巔寶樹移清影瑶池吐冽泉
吟餘思杜老懷古問周顛借卧臞禪榻身疑入洞天

又

田龍 江西僉事

縵到天池領妙觀齊州九點鏡中看跳身塵網來何
易舉手星河捫不難錦澗橋邊草履破鍬舡峰下布
袍寒文殊化去顛仙隱亭鎖蛟螭字孰刊

又

曾大有
江西按察使

勝遊諧夙願可愛冬之日林踈霜葉飛木末風旌出
雲影落天池仙踪迷石室聊爾息機心悠然忘得失

又

王崇慶
江西僉事

九江古寺對殘曛十月登臨天尚溫葉落細驚千澗
雨洞簫清徹萬重雲踈鐘月上禪初定鍊瓦風高思
欲紛何日還能陪笑語石床共結北山文

又

程啓充

九江府志卷之十五

十二

草逕尋真日已西土橋危石渡清溪雲深野洞無人
跡煙暝空山有鳥啼蓮社即今行處樂桃源莫遣再
來迷群仙合辦瑤池宴時聽簫聲下翠微

又

李經
戶部主事

樹底深杯映隙曛片巖兀坐久成溫閑邀險句題脩
竹漫徹高歌過去雲萬里烟光空悵望一林鳥語自
續紛登臨不盡山川色發興還看石上文

又

王汝賔
行人

有客約登山正在冬初日天清山骨癯木脫雲根出
霜楓欺野花深林行暗室一笑天池巔群峯盡如失

又

楊喬 德化教諭

一年一度此登遊昨莫春兮今莫秋天氣溫涼雖小
變溪山景物却全收懸嵯磴道高低折絕頂池光日
夜浮堪笑忙忙來又去恐貽猿鶴滿林羞

又

謝迪 兵備副使

香風細細度幽草一上披霞懷更好迎門却有龐眉

九江府志卷之十五

十三

僧壺中日月不知老雲霧濛濛風籟哀半空倏忽晴
峰開天池峰頂實竒怪源頭不知何處來時當清和
值夏首坐挹熏風幾杯酒起來細讀岩上碑渙汗龍
章垂不朽一方明月來中庭烟光淡淡籠沙汀此中
安得王維手便欲摹寫歸丹青

又

林庭楫 都御史

十年夢落廬山景此日登臨眼界空回首諸天星斗
近雨花香散一簾風

又

陳儒 戶部主事

望望廬山峰躡足凌空度飛烟渺何許只此蒼烟樹

又

流池自今古冷然此紺寒我來濯纓去蒼梧一葉單

又

何斐 兵備副使

曉行望廬峰暮方至其麓殘紅返照明倉皇戒行速
大砲震空山陰岨駭群伏橋臨錦繡澗亭臨錦繡谷
風泉萬壑哀猿鳥千岨矗梯天到半雲猶未及山腹

九江府志卷之十五

十四

曲徑踏諸峰肩輿喙群僕披霞及門隅甘露酒泉霏
翠絲裊蒼松琅玕戛青竹清池蘸碧虛烟霞共薰沐
星辰若碍冠水月良可掬文殊迴石臺夜行足踳踳
光恠飛佛燈鍊峰露船舳合眼陪雲眠啓足恐天蹴
半空響松濤滿天奏琴筑塔嶺石留題

御臺碑悚讀顛仙不可求遺世羨孤獨乳泉滴自天手
岨覆如屋寶樹一雙竒翠盖兩團簇爐峰渺何許經
臺爲誰築安得生羽翰御風觀四隩廬山多景竒收

之人詩匱他日一展觀宛然猶在目

又

簡霄

大理寺丞

簇簇芙蓉擁沓寥名山奇勝自前朝天池此去通丹
井神斧何年鑿絳霄今古香煙連嶽霧晨昏鐘鼓動
江潮登臨忽起尋真興欲挾飛仙訪子喬

又

寇天與

戶部主事

聯輿出松嶺小憩欲尋詩撫景應饒興登危更探奇
雲行疑塔動峰峻覺天垂欲記同遊日名留石上題

九江府志卷之十五

十五

又

馮曾

本府知府

文殊臺接講經臺萬朵青蓮面面開我亦乘風登絕
嶺雲雷渾自半天來
盡日登臨興未闌峰巒翠疊水潺湲清談對酌天池
畔忘却身猶在世間

又

姜輅

本府同知

好風吹上最高臺雨洗青天萬里開落筆半空山鬼
泣也應勝似錫飛來

對酒天池夜色闌飛流萬壑響潺湲隨風疑是鈞天
樂散入烟霞紫翠間

天池佛燈

朱文公

飛螢腐草尋常事怪底茲山獨耀芒須信地靈資物
化金膏隨處發明光

又

張鐵峯

一籠御日滿西溟陰風獵獵天冥冥須臾一燈破幽
寂燈燈相續如流星天機難窮理易測兩間蠢動皆

九江府志卷之十五

十六

含靈蚌胎吸月光照乘腐草變化亦有形深山大澤
元氣厚天荒地老光怪生二五儲精人益貴挈提口
月歸黃庭心葉洞照十方界人物待我皆安寧功成
又可騎箕尾豈止一點如燈明

又

王崇慶

我來天池寺不見佛燈明清話諸公在充然亦有情
又

程啓充

月落仙風冷山空鬼火明談禪雙樹下寂寂野雲情

圓通寺

傅榮 府學教授

松竹幽深處盤桓石逕斜林香出蔓草野色上秋花
遠塔留殘照孤峰映曉霞坐來無一事沉醉即生涯

紫極宮

即太平宮

李白

何處聞秋聲翛翛北窗竹迴薄萬古心攬之不盈掬
靜坐觀衆妙浩然娟幽獨白雲南山來就我簷下宿
懶從唐生決羞訪季子卜四十九年非一往不可復
野情轉蕭散世道有翻覆陶令歸去來山中酒應熟

九江府志卷之十五

十七

又

貫雲石 元人

山上清風山下塵碧沙流水淺於春不知松外誰敲
月驚動南華夢裏人

東林寺

孟浩然 唐人

挂席幾千里名山都未逢泊舟潯陽郭始見香爐峰
嘗讀遠公傳永懷塵外蹤東林精舍近日暮坐聞鐘

又

黃滔 唐人

平生愛山水下馬虎溪時已到終嫌晚重遊預作期

寺寒三伏雨松偃數朝枝翻譯如曾見白蓮開滿池

又

黃庭堅 宋大史

白蓮種出淨無塵千古風流社裏人禪律定知誰束
縛過溪沽酒見天真

勝地東林十八公廬山千古一清風淵明豈是難拘

束正與白蓮出處同

又

王十朋 宋狀元

淵明修靜不談禪孔老門中各自賢送別虎溪三笑

九江府志卷之十五

十八

後白雲流水兩淒然

又

林俊

謝事歸來早雲山尚壯遊探玄幾入道尋壑屢經丘
天近輪驂鶴僧慵老杖鳩虎溪陳跡外今古有名留

又

風流一代付塵埃荔塔秋荒半綠苔惟有香爐峰上
月夜深時到講經臺

又

劉憲 叅政

蕭灑東林寺來遊尚及時青山如有約白社本無期
暝色藏巖穴秋聲落樹枝坡仙招不得空上舊亭池

又

江源 僉事

慧遠東林舊講經臺未荒雨苔侵畫壁霜葉積迴廊
歸鳥認前樹昏鍾出法堂從來愛幽僻一宿借禪床

又

邵寶 禮部尚書

鴈門僧避胡塵來匡廬山中尋講臺誰云淨土在西
竺此地自有蓮花開蓮花開開千萬朵江南君臣不

九江府志卷之十五

十九

疑我上人道術妙一時爲律爲禪兩皆可淵明故是
避世人菊花醉插頭上巾攢眉掉臂謝公去一杯濁
酒堪全真當年意在誰獨識虎溪笑處泉流石至今
古塔依西林月落江雲數千尺

又

聽雨山中寺蕭條對佛燈春懷偏惱客野興未嫌僧
雷似千峰動泉應一夜增壯心方激烈靜坐欲飛騰

又

我行春山拾瑤草興到磨嵯何處好東林雙磻接水
雲倚塔蒼松鍊柯老遺踪可賞還可哀午風徐步岩
花開遠公有道吾未識千載曾見淵明來匡廬佳氣
迎馬首萬峰明月今宵酒堦前嘉樹多閱人莫向尋
常論不朽清晨海日光照庭潯陽北望橫煙汀僧釗
幸爲謝山色覽盡江湖終眼青

又

鄭岳 大理寺卿

少憇東林意轉幽樹陰團午雨鳴秋千迴細路雲邊
繞一帶寒溪寺下流陶令風清遺白社遠公色相闕
丹丘廬峰靜對真竒絕飛步何時到上頭

又

王守仁

昨遊開先殊草草今日東林遊始好手持青竹撥層
雲直上青天招五老萬壑笙竽松籟哀千峰掩映芙
蕖開坐俯西巖窺落日風吹孤月江東來莫向人間
空白首富貴何如一杯酒種蓮採菊兩荒涼慧遠陶
潛骨同朽乘風我欲還金庭三洲弱水連沙汀他年

海上望廬嶽煙際浮萍一點青

又

林廷玉 江西僉事

深林曲逕迷芳草幽谷鳥聲聽偏好紫霞閃爍映九
竒白塔稜層朝五老空山夜半猿聲哀玄關扃鑰誰
能開懸崖松栢百千尺時有玄鶴飛還來雲間老僧
霜雪首前席慇懃勸儂酒欲殮沆瀣服正陽頓使朱
顏不凋朽白蓮猶開神運庭薜芷生滿溪之汀淵明
已矣遠公化感慨廬山千古青

九江府志卷之十五

二十一

又

田龍 僉事

慧遠方外人陶潛天下士攢眉白蓮社沽酒東林寺
海月照虎溪空翠飛天池寄語謝靈運無勞閑賦詩

又

徐璉 叅政

叢林山水異况值莫春時鑿沼歸靈運鳴琴憶子期
洞深僧卧榻松古鶴巢枝蘭若餘香散鐘殘月滿池
又
汪穎 本府知府
苔磴穿雲上堂空了大觀石門雙闕迥雲閣萬峰寒

松偃蒼虬蓋茶分紫霧團香山閒適處芳草正瀾漫

又

鄒輓 戶部主事

久羨東林勝因風愜暫遊背巖邪見日息樹重經秋
隔屋呼殘炬焚香坐短籌磨崖舊詩句多爲遠僧留

又

李經 戶部主事

野懷塵外愜吟思馬前生去鴈迷山色潛狐見物情
滿林風木響一路晚花明漸覺青霄近煙霞入望清

又

邢珣 江西叅政

九江府志卷之十五

二十二

山田處處亂泉鳴斜日東林暑氣清一路稻花香引
鼻不煩縣吏急秋征

又

張懷 江西叅議

桓公住屋是東林泉落冰壺響至今試立講經臺上
看乾坤萬里豁塵心

又

黃相 本府知府

樹隱肩輿石逕斜遠聞鐘磬認僧家雲封古洞層層
雪秋染荒林樹樹霞九陌塵中看世界一官忙裏度

年華寺邊儘有閒田地待我他年學種瓜

又

戴經 本府推官

山寺東林景獨饒詩人題壁漸廊腰霜寒劔淬清融
水日暖香煙紫隔橋草木風光猶晋代乾坤歲月已
明朝何時得縱煙霞步上入青冥看廓廖

又

吳鉞

白蓮幽社幾同期天造名山此獨私春草池塘前夜
夢秋風禾黍故園思野僧慣客情偏歛山雨留人路

九江府志卷之十五

二十三

轉迷可是觀風淹老脚儘教清興入僊池

又

程啓充

陶令遠公俱寂寞虎溪流水更三生我來獨立應成
癖洗耳溪邊覓笑聲

又

劉璣 本府知府

不是年來愛看山看山忘却利名關雲間古剎金爲
扁雪後寒流玉作灣千載清風陶令社一龕落月遠
公顏幾回尋壑經丘立興未闌時未肯還

又

謝迪

聯步山門日清和四月時同登應不偶一醉本無期
路轉風生壑林踈月蒲枝老夫豪興在直欲憇天池

又

高登峰頂上氣候即秋時已得酌初志還當訂後期
亭藁分鳳尾巖檜挺虬枝携酌臨流坐蟾光到碧池

又

何斐

我游匡阜日正及半秋時欲借風爲御寧因雨失期

九江府志卷之十五

二十四

謝蓮花盡實陶菊蕊盈枝明夜中秋月還臨結社池

又

昔過逢秋雨今回值霽時茲遊應意愜未到久心期
陟巘衣霑草穿林帽壓枝爐峰朝五老洗眼上天池

又

潯陽曉出雨初晴暮至東林月未明馬首香爐廬阜
秀枕中琴筑虎溪聲冰壺瀹茗新嘗味滴漏開蓮舊
識名千古遠公詩社在每緣陶謝結簪纓

又

東漢 本府知府

問訊東林寺重來憶舊行鳥依叢木語竹傍石泉清
溪路斜還直山雲陰復晴勞勞方嚇鼠獨愧絆浮名

又

姜輅 本府同知

傾盖徘徊此群峯一覽空飛騰層塔上吟眺半天中
錦樹雲還合銀河水自通山僧青白眼識盡幾英雄

又

余世盛 本府推官

追尋野寺披荒草正值雙林風日好晉朝梵刹幾興

九江府志卷之十五

二十五

頽惟有匡廬青不老山頭日落玄損哀年年月月巖
花開華榭高棟壓巖麓黃金萬斛裝如來斲躡山前
重回首山僧解意能供酒遠公陶陸俱塵埃千古惟
誰真不朽道人不必看黃庭雪鴻蕉鹿迷沙汀劃然
一笑楚天暝滿耳風泉萬仞青

又

楊喬

西風隨杖履重過虎溪遊落日雙林晚荒山萬籟秋
色空誰悟偈詩酒漫拋籌暫借禪林宿應無帶可留

又

鏡石山人

奔塵爲王事勒馬憇僧家雲鎖千峯碧林深一逕斜
泉聲穿翠竹秋色點黃花此景真堪愛三遊興尚賒

又

前程知尚遠且駐虎溪驂十載今三過百年有幾閑
憂時新白髮走俗舊青山忽憶陶元亮悠然獨倚闌

又

簡霄

文殊臺下講經臺公去臺空久不開荆棘半山風雨
暗憑誰曾見講經來

九江府志卷之十五

二十六

虎溪橋畔梵王臺臺遶青山畫障開風月溪邊還是
舊自從三笑復誰來

海天菴

唐龍御史

長風吹江江倒流與君共登江上樓雲腥應有蛟龍
起浪急翻疑島嶼浮洗天雨欲來五老別浦樹更遮
雙眸高帆木末勢未止幽鳥谷口鳴相酬却憶別君
經幾年指三四屈心茫然桃李成陰吳苑曲豺狼掃

跡楚江孺往事無心付與論勝遊有約成新篇笑語
且開塵世口蔬笋小結僧家緣江聲不斷苧袍寒神
鴉點點催人還湖山空闊半暝色主賓揖遜俱酡顏
使軺遄發不可攀回首江樓杳靄間明朝風定水如
鏡照見離愁兩鬢斑

又

謝迪

海禪新建瞰江流繁木陰中見小樓地接三山蓬島
近峰高五老白雲浮出郭偕行增野意登樓一覽醒

九江府志卷之十五

二十七

塵眸俗緣未得三生了勝地須拚一醉酌雙鬢光陰
入暮年寒蟬衰草思淒然茫茫雲樹潯江上繹繹帆
檣溢浦壘此地空餘登覽興何時重賦逍遙篇偶成
竹院斯文會閑得浮生半日緣客散中庭星斗寒使
君豪放醉扶還當空江月清詩思拂鬢霜風破酒顏
笑傲未忘湖海外夢思仍繫竹林間有約重過應莫
負東園野菊尚斑斑

高良寺五首

簡霄

御史

初憇二首

岐路奔忙甚禪林作小遊香烟空世界鍾鼓自山樓
細雨蒼松晚涼雲碧篠秋停車正煩溲賁茗爲僧留
名山藏古刹偶爾憇西遊萬木迴蘿逕諸天鎖洞樓
經傳三乘教燈續幾年秋老衲應能會新詩爲爾留

再過二絕

西去南來咲底忙重經山寺桂飄香山僧猶記風霜
面共道奔馳鬢未蒼

九江府志卷之十五

又二十七

山蹊窈窕訪禪關林竹陰陰白晝閑清氣滿襟真可
愛又驚涼雨過秋山

三過一首

三過名山總憇留碧天涼日是清秋迎人老衲談鄉
話識面青山憶舊遊九寺濫叨知力薄

時陞大
理丞

三藩

承乏愧名浮

原按蜀閩
汴三省

年來南北奔忙甚

君德親恩志欲酬

能仁寺

徐璉

紺園幽景異客到野懷生苔薺鋪堦綠松筠繞院清
山僧歸丈室江鳥下簷楹天際浮雲散愈增慷慨情

又

旅寓江州地風清七月時乘涼坐竹嶺愛靜卧禪居
亭畔蛭鳴樹塔前鷺浴池閒遊方遣興詩伴老沙彌

蓮花寺

何文生

半林斜日藹餘光匹馬西風到上方翠苻雲籠禪榻
靜白蓮風度酒盃香空林隱几塵機息定室哦詩俗

九江府志卷之十五

二十八

慮忘自笑驅馳淹薄宦可能依止贊公房

大孤廟

胡虛白

大孤廟前江樹青老魚吹浪水雲腥神鴉啄食不飛
去過客賽神姑有靈

栗里淵明祠

謝幼槃

宋人

淵明歸去潯陽曲杖藜蒲鞵巾一幅陰陰老樹轉黃
鸝艷艷東籬燦霜菊世紛無盡過眼空生事不豐無
意足廟堂之姿老蓬葦環堵蕭條僅容膝大兒頑鈍

懶詩書小兒嬌癡愛梨栗老妻日暮荷鋤歸欣然一
笑共蝸室我詩未遣愁肝腎醉裡呼兒供紙筆時時
得句輒寫之五言平淡用一律田家酒熟夜打門頭
上自有漉酒巾老農時問桑麻長提壺挈榼來相親
一樽徑醉北窗卧蕭然自謂羲皇人此公聞道窮亦
樂容貌不枯似丹渥儒林紛紛随溷濁山林高義久
寂寞假令九原今可作舉公藍輿也不惡

又

袁拱 太常寺卿

九江府志卷之十五

二十九

栗里雨晴秋草碧泥沙不洗籬根石夜深涼月滿江
南照見寒花淡無色先生已往將柰何傲睨獨受風
霜多白衣有期待不至清樽空負重陽過披圖一見
傷晚節凜凜丰姿誰敢褻有祿不爲縣令淹有腰不
爲督郵折吁嗟此心鍊石貞玄悟暗與幽人盟安得
移居傍其下殮英飲水延遐齡

李文忠公祠

黃翰 僉事

乘機規畫動如神獨力撐支志莫伸仁義殉身同李

芾衣冠敵愾見張巡旌忠特表無雙士射策曾爲第
一人生死兩魁天下士男兒端不負君親

又

張璽 饒州府通判

一劍曾當外侮侵可堪多難巧相尋竭忠狗國生無
愧盡瘁援城死獨禁天地不仁淪壯節煙霞無路寄
哀音最憐猶子能同死萬古難磨鍊石心

杏林

胡虛白

匡廬西望大霞邊種杏仙翁不計年花塢日高聞虎
嘯芝田雲暖借龍眠活人何惜千金藥積谷全勝萬
頃田回首紫薇山下路萬株團雪照晴天

庾樓

白居易

重遊蕭寺宿再上庾樓行郡人猶認得司馬詠歌聲

又

王真白 唐人

獨凭朱檻亦佳晨山色初明水色新竹霧晚籠銜嶺
日蘋風暖送過江春子城陰處猶殘雪衙鼓聲前未
有塵三百年來庾樓上曾經多少望鄉人

又

傅榮

何處重登庾亮樓夕陽芳草幾春秋我來一笑匡廬
晚惟有長江水自流

復庾樓

李汛
知府

庾樓冥邈幾春秋古跡空存湓水頭興復一朝逢太
僕崢嶸千里壯江州東南此最關輕重先後誰曾審
樂憂遺愛他年思不盡匡山矗矗水悠悠

又

九江府志卷之十五

三十一

倚徙危闌縱四望人家半以水爲鄉斗牛吳楚鄰分
野鳧雁江湖共渺茫莫訝良辰孰倡和試從古月問
興亡乾坤俛仰俱陳跡惟有佳名未易忘

又

可嗤僞漢乘元季欲取潯陽作帝家一箭湖邊蛟去
遠雙刀洲上雁來斜庾樓復見千秋月匡阜兼收九
疊花浩興漫隨湖渺渺與江交下海天涯

又

知士不忘天下憂鈎簾更上一層樓烏江落日無人
渡赤壁良霄有客遊興想當時真不泯愛遺千載尚
難休復庾美詠從今始遮莫詩家次第收

又

危樓欺百雉列宿接簷森宿霧平收野新晴散遠林
九清分楚水寸碧出吳岑玉塵拂山吹銀盤上海潯
偶然發高興暫爾解煩襟人如天上坐杯向月中斟
細柳有遺愛甘棠不盡吟論世雖先後揆賢無古今

九江府志卷之十五

三十一

司空久陳跡太僕獨知心爲復千年勝山高流水深

又

寇天與 戶部主事

層樓新構半山隈俯仰乾坤亦壯哉五老竒峯當面
立一聲幽鳥隔簾來地聯吳楚跨南障勢控江淮接
土台幾度登臨興無限笑談樽俎謾徘徊

又

方漢 散人

憑高秋色裏水郭氣蕭森處處清霜地家家黃葉林
画簷棲鸞翬飛棟壓欽岑爽挹匡廬秀雄登湓浦潯

江山開錦繡吳楚據喉襟雅會登冠劍高談更酌斟
據床懷浩興退食費清吟月色還依舊風流復見今
太平端有象經濟豈無心讀罷庾樓記知公愛國深

又

柳邦傑

庾老千年蹟而今始復樓江山開畫障吳楚入詩眸
斗極平闌見雲煙低棟浮登臨發高興直欲向天遊

琵琶亭

白玉蟾

宋人

長江浩浩送千古江流不斷魚龍舞蘆花荻花愁暮

九江府志卷之十五

三十三

雲天風吹我客湓浦移舟回首思故人淒然一登琵琶亭
琵琶亭上廬山出琵琶亭下楚江橫嗚呼我祖唐少傅
兜率天中已歸去客來倚棹問漁翁香山居士今何處
水魂雲魄挽回濤山浪屋空崔嵬檣鳥驚起水鷗睡
遶船明月夜徘徊旅居江左秋風慘江上黃昏月黯黯
那堪送客聞琵琶况對怨女不傷感洛陽城外蝦蟆陵
下有甲妓何娉婷花落色衰婚舶客獨守孤舟伴月明
手撫琵琶意嗚邑挑攏撚抹緩

復急大絃哀哀小絃悲孤舟嫠婦豈不泣霓裳終歌
六么鳴四絃盡作裂帛聲碧落黃泉兩淒苦幽愁暗
恨不堪聽凜如獺咽梧桐晚疑若鶯啼春晝暖鷓絃
轉處如胡笳宮調彈時若羌管江州司馬一斷腸燈
前老淚如雨滂老婦低眉嬌滴滴琵琶掩面羅衣香
初彈如珠復如縷一聲兩聲落花雨訴盡平生雲雨
心盡是春花秋月語羅衣搵淚向人啼妾是秦樓浪
子妻流落煙霞歸未得青樓昔在洛陽西今嫁商人

九江府志卷之十五

三十四

豈妾意一曲蕭騷夜無寐秋風吹破居士心琵琶聲
聲墮珠淚居士左遷鬱小邦鼎鼐志願猶未降聞其
曲聲見其語萬斛愁腸如秋江江花江草廬山下春
江花朝秋月夜江風颼颼江水寒不見長安十年話
當時風月亦有情爲伊翻作琵琶行居士悲樂似此
婦此婦激發居士情居士還朝此婦死琵琶古聲今
已矣邦人江上建此亭古往今來亭下水柿葉翻紅
楓葉黃荒煙厭篷月墮檣星霜磨老香山句香山骨

冷今如霜亭空江闊情何極一思古人一歎息兩岸
黃蘆今盡樓山水窟中安樂國江國淒涼人自愁香
山一去三百秋長江不管愁人恨淚與江波還共流
九江風月嗟無主孤月依然幾今古江頭愁絕到三
更琵琶不作亦淒苦我來適是九世孫思賢懷古獨
銷魂悲風如舞琵琶調哀鳥如歌琵琶聲古人去去
不復返孤亭寂寂寒江遠琵琶無聲萬艇橫留得廬
山遮醉眼

九江府志卷之十五

三十五

又

龍麟洲
元人

老大嫦娥負所天忍將離恨寄哀絃江心正好看秋
月却抱琵琶過別船

廬山疊翠

童潮
本府知府

潯陽第一景自古道匡廬一望青未了四時春有餘
花煙封裕鼎嵐氣暗番墟幾度鈎簾看蓬萊想只如

湓浦龍淵

一泓湓浦水千載有龍潛死質既已化動形寧久淹

頡珠沉月夜鱗甲漾朝暹桃浪翻天起焦枯也獲沾

清風攬秀

戴經

漢代推賢守千年凜若生山巋寰宇望水帶古今聲
廟貌瞻斯閣風流挹遠屏有懷誰可語庭栢自青青

虎渡波光

童潮

至仁能感物渡以虎名遺腥浪消殘雨棠風起碧漪
靜來鷗鷺樂怒動魚龍悲一政鑄江水令人千載思

甘棠煙水

戴經

九江府志卷之十五

三十六

白鹿先生洞甘棠刺史湖口碑人自誦石刻草隨蕪
龍卧千秋鏡蟾懸萬頃壺漁歌煙水裏濯足笑塵污

浪井濤聲

童潮

將軍灌氏井何事作濤鳴石響周宣鼓轡轟漢武鯨
地中風浪發泉面雨花生功著寒泉食垂名不在聲

齊雲晚眺

晚眺宋公樓超然豁遠眸一江千里瀉衆皺萬山收
暝煙猶在樹明月已來舟欸乃漁歌響飄然兩腋秋

庾樓明月

百尺庾公樓涼生桂殿秋羽衣凝舞態霓曲落歌喉
漢影盃中沒波光檻外流不須凌玉宇即此廣寒遊

又

傅榮

蘋白蘆黃楓葉紅夕陽晴色動秋風百年庾亮樓前
景都在江山望眼中

栗里蒼松

余福 府學訓導

彭澤歸來只隱居閒情不復慕徵書英雄事蹟無遺

九江府志卷之十五

三十七

土處土煙霞有故廬芳徑蒼松驚夜鶴柴門踈柳駐
輪車我來默愛悠然趣仰沐餘芳三嘆餘

又

傅榮

五柳柴門久不開豆苗山下我重來世間多少長松
樹得似陶潛舊日栽

濂溪古樹

童潮

聞說溪頭樹溪中人自栽文章隨世老根脉賴天培
孔檜原同氣秦松不共材光風霽月趣可有此中來

德安縣

陳義門

錢若水

居近東佳對白雲義風深可勸人倫兒童盡得詩書
力門巷偏多車馬塵樓上落霞粘筆硯池邊怪石間
松筠鄉閭豈獨民遷善堦砌兼聞犬亦馴朱實垂庭
紅橘熟清香襲座藥畦春他年好卜爲隣住悔葺吾
廬洛水濱

瑞昌縣

九江府志卷之十五

三十八

灤溪驛

王十朋

半月遊廬阜中秋宿灤溪祠尋元子隱樹認赤烏棲
坐待雲開月行愁雨作泥鄱陽應話我身在九江西
又

曹廣 訓導

灤溪浪士名猶在異世追陪有子瞻人慕二賢清節
處蒼城祠迹尚依然

蒼城墩

鄧文綱 舉人

鬱鬱藂翠林四圍削方壁乾坤一坯土平地建中極

灤溪遶足流榜山當面立元公與蘇老異世流芳跡
我欲修廢祠殘碑無處覓

釣魚臺

童潮

釣魚臺上曉風微只聽漁歌互答歸共道太平無一
事不知鷗鳥自忘機

望仙橋

鄧文綱

何人駕輿梁橫彼天邊虹不必濟乘輿往來路自通
昔有神仙流賣術駭愚蒙奔走方戾止飛騰入層空

九江府志卷之十五

三十九

遂令千載人慨嘆良無窮

王喬洞

史珍
進士

一自亡雙鳥棲身石洞中只窮仙界事不與世人通
黃鶴曉天集青山夜月空幾回尋故跡惟覩送鳧風

呂公井

呂公施術處掘土便通泉湛湛香堪吸涓涓味更鮮
神功從昔著仙跡至今傳幾度春風裏縱橫砌草芊

亭子嶺

亭子長公跡至今人仰名壁間詩已老竹上墨猶馨
登覽一時事山川千古榮不知風月夜門戶有誰扃

湖口縣

石門山

謝靈運

晨策尋絕頂夕息在山棲山峰抗高館對舒臨迴谿
長林羅戶庭積石擁堦基連岩覺路塞密竹使逕迷
來人忘新徑去子惑故蹊活活人流駛噉噉夜獮啼
沉冥豈別理守道自不携心契九秋榦目翫三春萸

九江府志卷之十五

四十

居常以待終處順以安徘徊惜與同懷客共登青雲梯

觀音閣

蘇東坡

巖上觀音巖下湖儼如南海舊規模庭前翠竹千竿
有門外紅塵半點無水遶三江同楚地勢連五老共
洪都夜來一片無私月照見摩尼頂上珠

又

愛此江湖幽維舟坐終日本徒玩化理不是荒遊逸

射蛟圃

蘇子由

萬騎巡遊遍千帆破浪輕射蛟江水赤教戰越人驚
山轉樓船影岸摧連櫓聲祈招無爲賦酣寢盡平生

過湖口

文天祥

江湖一都會宇宙幾興亡走馬蘆林外賣魚茅舍傍
南人撐快槳北客坐危檣江水交岷水東流日夜長

又

劉基

誠意伯

長江水濁湖水清石鐘濤擊鯨魚鳴山頭出雲山下
雨揚瀾左蠡何時平

九江府志卷之十五

四十一

又

韓雍

都御史

上方風景最清幽駐却雙旌試一遊絕壁有巖皆起
閣歸僧無路只乘舟天連廬岳擎孤社江納鄱湖漾
合流翹首不堪東北望思鄉又感廟堂憂

石鐘

夏寅

提學副使

再上湖亭訪石鐘山僧掃斷白雲封岐陽石鼓今零
落吾欲兼收置辟雍

出湖口

我舟九江來望望出湖口鞋山上下石絕斗五老峰
前一杯酒古來豪傑今何有借爾廬山一片雲太湖
揚瀾入吾手作爲霖雨濟九州蘇息蒼生天與否

又

一痕清濁分湖口秋水南風拍岸齊望見小孤青一
點廬山回首大江西

湖口秋泊

童軒 雲南僉事

江水匯爲澤瀾漫深萬丈山寺晚鐘鳴湖心明月上

九江府志卷之十五

四十二

虹橋仙跡

童潮

伊誰築此橋虹跨封南水未航厲揭人先渡飛昇侶
柱寫相如墨草埋黃石履乘閑時一過兩腋天風起
淵明故址

先生已歸來遺此折腰地不見督郵人祇聞解印事
徑花雖就荒臺月還留醉賦罷清流詩西疇春已至

雙鐘秋月

兩鐘秋月高一碧湖光渺兔魄漾波心桂香飄樹杪

白生巖罅虛明散山花好微風忽有聲驚醒漁艇曉

彭澤縣

過彭澤

王十朋

萬里歸舟巨浪間只將青眼對青山青山好處惟彭澤出岫雲歸倦鳥還

出守江湖日念還又扶衰病入巴山不能早作歸田計愧過淵明五柳灣

又

解縉

九江府志卷之十五

四十二

青山圍一縣隱隱見人家亂石邊江出孤帆帶日斜翠添官舍柳香泛驛樓花不見陶彭澤湓城起暮鴉

又

蘇秉衡

客行日將夕移舟泊孤峰孤峰一何危突兀凌蒼穹懸崖肆遊覽江水流颯颯維南古彭澤咫尺隔湖東縣小民吏稀村居雜蒿蓬嗟哉羲熙世見此柴桑翁區區五斗米何能屈豪雄所以賦歸來長吟撫孤松千年有遺跡何人繼高風徘徊不能去懷賢思無窮

淵明祠

蘇東坡

淵明求縣令本緣食不足束帶向督郵小屈未爲辱
翻然賦歸去豈不念窮獨重以五斗米折腰營口腹
云何元相國萬鍾不滿欲胡椒銖兩多安用八百斛
以此殺其身何翅抵鵲玉往者不可悔吾其反自燭
又
黃閣彤扉盡宋臣歸來松菊伴閒身舉頭誰識悠然
意只有南山是故人

九江府志卷之十五

四十四

葛巾漉酒艷流霞長向東籬醉菊花不分宋公移晉
祚只將甲子紀年華

又

王十朋

淵明耻折腰慨然詠式微閑居愛重九采菊來白衣
南山忽在眼倦鳥亦知歸至今東籬花清如首陽薇
又

胡曾
宋人

英俊那堪屈下僚便栽門柳事蕭條鳳凰不與鷄爭
食莫怪先生懶折腰

又

謝應芳 元人

晉室之危一木詎支我思古人孤竹夷齊彼薇西山
我菊東籬薄言采之可以樂飢秋日淒淒卉木具腓
匪菊之芳吾將曷歸

又

顧濟 元人

無錢猶愛菊有酒即橫琴萬古醉不了一名聞到今
徑松存老節門柳積秋陰人盡歸來像誰傳歸去心

又

童潮

九江府志卷之十五

四十五

數椽松菊中祀我羲皇老斜月落窗清高風生樹好
文章一賦多名節諸人少再拜出門來南山雲縹緲

又

蘇秉衡

白日忽見匿浮雲結幽陰薄宦豈初志歸與遂吾心
池魚復深淵籠鳥返故林褰衣適丘隴荆杞日已深
彼美東籬花不受霜霰侵掇英樂真賞南山對孤吟
又
安南使

黃花綠柳興悠然熙皞襟懷率性天鮮印已辭彭澤

令著書猶記義熙年陶情幸有杯中物得趣何勞琴
上絃千載高風真可挹籃輿不污後人肩

又

凌杞 本縣知縣

百年兩晉一孤忠遺像堂堂尚儼容當世宰臣今在
否黃花依舊占秋風

又

傅榮

瞻仰南山意獨深托渠微事笑投簪若非朱子春秋
筆千載誰能識此心

九江府志卷之十五

四十六

又

童暄

淵明高世士小試暫牛刀江山非典午富貴輕鴻毛
胡爲向督郵五斗時折腰歸來三徑中黃花霜露饒
濁酒一瓢興清風千古高

二賢祠

陳崇 監察御史

呼盧人起解乾綱太白經天女主昌陶令歸家終郤
宋狄公用後復還唐菊松徑裏娛三益桃李門中拜
五王廟貌此間同祀典山川千古有餘光

又

劉咸 僉事

我行過彭澤古心悠悠然寥寥已千載相繼維二賢
陶公昔佩印八旬賦歸田易姓不復仕甲子以紀年
狄公在當時忤旨來左遷一朝復唐祚忠義白日懸
二賢去世遠光價照簡編豈無繼承者胡乃寂不傳
吁嗟世之人才行真難全題詩懷往躅事業當勉旃

讀書巖

王自適

嵌空具珍恠深窈事卷韜劔戟森前峰古木還旗旄

九江府志卷之十五

四十七

神栖走蛟螭俗遠藏猿獠誰將此絕景寂寂委蓬蒿
宇宙幾千載品題始一遭橘林來挾冊涪翁侈揮毫
美名信不磨猶欠詩句豪俛仰復百年我來豈其曹
難忘清淨業繼晷時焚膏無能發幽輝但覺山孤高
潛玉洞
傅榮
石角鈎衣半紫苔山深不許俗人來一聲鐺笛知何
處滿樹碧桃花自開

普明寺

凌杞

鳳凰山下梵王家金碧樓臺護紫霞重覓西峰舊時
跡滿堦香雨落天花

小孤山

吳澄 元學士

三十年前東下時開篷曾賦小孤詩風濤如許相衝
激天柱迄今無改移長願江流平似鏡坐看舟客去
如馳悠悠此日登臨意付與潯陽循吏知

又

解縉

兩崕相夾石爲門萬水東流去不奔拔地一峰形自

九江府志卷之十五

四十八

險擎天獨柱勢猶尊魚龍並躍春初暖風雨來時晝
易昏想見當年神禹鑿竒功千古至今存

又

楊溥 太學士

誰鑿闌江石成功大禹先百川同赴海一柱獨擎天
月出潛蛟舞風來過鳥旋重遊任夷險但見雪盈巔

又

王佑

彭蠡東來一片山兩崖屹立水雲間乾坤開闢遺孤
柱江漢朝宗會此關春雨魚龍隨變化秋空猿狖怯

躋扳今來古往俱陳跡惟有潮頭到復還

又

沈慶 按察使

疊嶂層巒翠復般巍巍絕頂健躋攀海門東望幾千里潮水西來第一關屹立兩間雄砥柱秀鍾萬古冠
群山天風不動春光滿人世蓬瀛杳靄間

又

金文 卽中

大江遙自岷山來東注寧知幾千里孤山屹立江之濱秀壓群峰插天起長江風浪無時無古今人慶孤

九江府志卷之十五

四十九

山孤風帆浪楫日來往不假丹青真畫圖

又

夏寅

海門東去大江橫秋滿乾坤萬籟鳴七十二峰青未斷小孤山下看雲生

又

左贊 進士

奇峰峭獨立一柱擎蒼穹上有仙人亭下壓馮夷宮
長江發岷峨來勢浩奔雄到此如安流海門出神功
竭來持使節維舟暫從容散步翠雲臺紆回一徑通

仙子試晨粧晞髮初日紅廟貌著靈貺今昔嚴褒崇
馬當秋色外彭澤春樹中子雲富文藻靖節留高風
懷古重瞻企凭欄送征鴻俯視名利子來往紛張蓬
披襟一長嘯白雲生碧空青山不改色江流自來東

又

彭綱

一柱中天起亭亭立海門古今作樞軸旋轉此乾坤

又

童潮

長江萬里來一砥中流峙巨浸埋根深孤峰插漢起

九江府志卷之十五

五十

倒回三峽流獨據九江水真是海門關波濤險莫比

又

簡霄 都御史

山頂浮雲紫翠深山腰仙閣晝陰陰萬年玉軸旋天
地百丈金蓮照古今風氣南來真鎖鑰江流東下總
喉襟太平有象波濤靜使節從容漫一臨

又

砥柱崢嶸障碧湍仙蹤遙望翠微端空中樓閣依雲
起海上蓬萊帶霧看波淨姝鬟臨寶鏡月明仙掌弄

金盤乾坤奇勝江湖絕歆賦新詩摹寫難

澎浪磯

胡虛白

澎浪磯頭湖水平天寒月黑鴈祇更白頭不作還家
夢卧聽風聲與水聲

又

夏寅

虎牙澎浪石鍊柱小孤山江漢朝宗道東南第一關

又

凌杞

石磯屹立當海門驚濤澎湃翻雲根長江一瀉一千

九江府志卷之十五

五十一

里雷驚電激無朝昏移舟昔向磯頭泊山風夜吼波
濤惡江空倒浸北斗寒蓬窓一派銀河落何當一日
風浪平安然直向中流行

又

傅榮

幾拳怪石稜層出一派江流萬里長山水自因斯地
設錯教材老說彭郎

午憇東林

三峯高公韶

巡撫江西
都御史

官程卓午憇東林曲塢迴廊一逕深蓮社獨尋詩有

約虎溪偶過笑無心征袍暫解塵襟淨宿衲歡呼玉
節臨思入風雷慚識小欲招五老話知音

宿東林寺四首

幘峯秦武

巡按江西御
史

雪深千嶂合村暝亂鴉啼短艇誰家叟衝寒釣遠溪

又

疋馬西巡路東林駐節時野僧驚遠迓山雨若爲期
衰草留餘燒孤松落脆枝饑鷗深得食痴立竹邊池

又

九江府志卷之十五

五十二

小雨隨人度野林寂寥鄉思又明今不堪瞭嘸沙頭
鴈忽趁東風到客心

又

愛閒特上老僧臺踏破深林鳥跡開盡日塵襟消未
得斷雲無侶自歸來

宿東林寺二首

東沙張時徹

江西提學
副使

衝雨過山麓穿花度水涯鐘鳴青樹嶺鶴起白蓮池
雪湧千峰亂雲連四野移醉摩崖上蘚欲沒舊時題

又

旌旗夜夜山中宿素雪朝來滿青麓山頭萬樹更生
花山下白雲倚茅屋

又

蓮華池中黑龍住鼯鼠衝人上高樹天外青雲層復
層週迴盡我來時路

岐路奔忙甚禪林作少遊香烟空世界鍾鼓自山樓
細雨蒼松晚涼雲碧篠秋停車正煩溽賁茗爲僧留

又

名山藏古刹偶爾憩西遊萬木迴蘿逕諸天鎖洞樓
經傳三乘教燈續幾年秋老衲應能會新詩爲爾留
嘉靖改年余巡蜀還經此今五載矣復以按汴
之行重過山僧咸能記憶尤有拳拳之意摘蔬
賁茗宛然鄉土之情因口占二絕貽之

九江府志卷之十五

二十七

又二首

簡霄

西去南來嘆底忙重經山寺桂飄香山僧猶記風霜
面共道奔馳鬢未蒼

又

山蹊窈窕訪禪關林竹陰陰白晝閑清氣滿襟真可
愛又驚涼雨過秋山

三過高良寺紀興

簡霄

三過名山總憇留碧天涼日是清秋迎人老衲論鄉

語識面青山憶舊遊九寺濫叨知力薄時陞大三藩

承乏愧名浮原按蜀閩年來南北奔忙甚

君德親恩志欲酬

